



5. august 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Suliniutitik qanoq ittunik aallartitsisoqarsimava Nuummi mittarfiup pitsaannerusumik malittarisassanut malinninnissaa anguniarlugu?**
 - a. Suliniuteqartoqarnerpa, pitsaannerusumik malittarisassanik malinninnissaq qulakkeerniarlugu?**
- 2. Teknikkikkut nutarterutaasinnaasunik peqarnerpa, timmisartuussinermi pujortillugu aammalu nittaatsillugu/sermernartillugulu unammilligassanut iluaqutaasinnaasunik?**
 - a. Taamaassimappat paasissutissiinissaq kissaatiginarpoq, sooq teknikkikkut atortut taakku Nuummi mittarfimmi atuutsinneqalersimannginnersut?**
- 3. Nuummut minnissaq ajornaraangat, Danmarkimut uternissaq pinngitsoortinniarlugu, suut pilersaarutaappat?**
 - a. Danmarkimut uternissamut taarsiullugu Kangerlussuup atorneqarnissaa pilersaarutigineqarpa?**
 - b. Danmarkimut uternissamut taarsiullugu Ilulissani mittarfissarsuup atorneqartalernissaa pilersaarutigineqarpa?**
- 4. Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

(Inatsisartunut ilaasortaq Jørgen Rosbach, Demokraatit)

Tunngavilersuut

Tamatta kissaatigaarput maani nunatsinni attaveqaatit pitsaannerpaallutillu eqaannerpaajunissaat. Tassunga atasumik isertugaataanngilaq, Nuummi mittarfissuartaq ”meeqqat nappaataannik” arlalinnik erloqinartorsiorsimammat”.

Taakkuninnga apeqquteqaateqarninni kissaatigaara misissorneqassasoq, unamminartinneqartut aaqqinniarlugit suut suliniutigineqarnersut aammalu suut aallartinneqarsimanersut.

Apeqquteqaatima ullut suliffiusut qulit iluanni akineqarnissaat qilanaaraara.